

1918-20Ի ՀԱՅ ՊԵՏԱԿԱՆՈՒԹԵԱՆ ԵՒ ԱԶԳԱՅԻՆ ՄԻԱՍՆՈՒԹԵԱՆ ՀԻՄՆԱՀԱՐՑԵՐԻ ԼՈՒՍԱԲԱՆՈՒՄԸ ՀՀ ՊԱՏՄԱԳՐՈՒԹԵԱՆ ՄԷՋ (1991-2019)

ԼԻԼԻԹ ՅՈՎՀԱՆՆԻՍԵԱՆ
liithovannisian@yahoo.com

ՄՈՒՏՔ

1991ին Հայաստանի անկախության վերականգնումը նոր լիցք է հաղորդել հայոց պատմության նոր եւ նորագոյն ժամանակների հիմնահարցերի ուսումնասիրմանը՝ հայկական անկախ պետականության ու ազգային միասնության գաղափարների հետ դրանց պատճառահետեւանքային կապերի վերհանման ու վերագնահատման տեսանկյունից:

Այս յօդուածում քննութեան են առնուած Հայաստանի Գ. Հանրապետութեան (ՀՀ) ժամանակաշրջանում (1991-2019) Հայկական Հարցի 1918-20՝ դիւանագիտական բանակցութիւնների եւ դրանց արդիւնքների վերլուծութեանը նուիրուած պատմագիտական հիմնարար ուսումնասիրութիւնները, որոնց յետնախորքում հայկական անկախ պետականութեան վերականգնման, պահպանման եւ ամրապնդման, հայոց պահանջատիրութեան բարարման արդիական հիմնախնդիրների լուծման գործնական ուղիների յստակեցումն է՝ ժամանակաշրջանի առանձնայատկութիւններին համապատասխան եւ պայմանաւորուած նրա մարտահրաւէրներին դիմակայելու անհրաժեշտութեամբ: Շեշտը դրուած է Ա. Աշխարհամարտի աւարտական փուլում հայկական ազգային անկախ պետականութեան վերականգնման երազանքը գաղափարից իրականութեան վերածելու, ապա պատերազմի աւարտից յետոյ՝ Փարիզի Հաշտութեան Միջազգային վեհաժողովի ընթացքում Հայաստանի Ա. Հանրապետութեան (ՀԱՀ) կողմից այն ամրապնդելու ուղղութեամբ իրականացուած քաղաքական քայլերի պատմագիտական արժեւորման եւ վերարժեւորման հարցերի վրայ՝:

1918-20 ժամանակահատուածի ընտրութիւնը պատահական չէ. այն ուղղակիօրէն առնչուում է հայոց անկախ պետականութեան եւ ազգային միասնութեան հիմնահարցերին, բացի այդ, ՀԱՀի 1918-20՝ Հայկական Հարցի դիւանագիտական քննարկումների պատմութեան, դրանց արդիւնքների, մասնաւորապէս՝ Սեբրի պայմանագրի եւ ԱՄՆ Նախագահ Ուուորո Ուիլզընի իրաւարար վճռի լուսաբանումը գիտական մեծ հետաքրքրութիւն են ներկայացնում՝ հայոց պահանջատիրութեան արդիականութեամբ առումով:

Այստեղիսատութեան մէջ լուսաբանուած գիտական տեսակէտների հեղինակները ՀՀ պատմաբանների աւագ, միջին եւ երիտասարդ սերունդների ներկայացուցիչներ են, որոնց մօտեցումներն ու կարծիքները այս նիւթով, թէեւ կրում են հեղինակների ապրած ժամանակների գաղափարա-

քաղաքական ազդեցությունը, այնուամենայնիւ, բացայայտում են դրանց խորքային ընդհանրությունները:

1991-2019՝ ՀՀ պատմաբանների աշխատություններում ներկայացուել է վերաբժնետրուել են 1917ի վերջին ու 1918ի սկզբին հայ ազգային նպատակների իրագործման հանգամանքները: Վերագնահատուել է հայ ազգային կուսակցությունների գործունեությունն հայ ժողովրդի արեւելեան հատուածի, զանգուածային կոտորածների, տեղահանութեան ու րոնագաղթի հետեանքով հայրենագրկուած, աշխարհով մէկ սփոռուած արեւմտահայերի շահերը պաշտպանելու, Հայաստանի երկու մասերի իրաւական կարգավիճակը հայ ժողովրդի յետագայ անվտանգ զարգացման հրամայականին համապատասխան ապահովելու ուղղութեամբ: Վերաբժնետրուել են հայոց անկախ պետականութեան վերականգնման ներքին եւ արտաքին հանգամանքները, Քառեակ Միութեան եւ Դաշնակից Տէրութիւնների դիրքորոշումը հայոց պետականութեան վերականգնման եւ նրա սահմանների հարցերում, վեր են հանուել հայոց անկախ պետութեան արտաքին քաղաքական կողմնորոշման իրայատկութիւնները եւ հեռանկարները:

Ընդհուպ 1990ականների աւարտը 1918-20ի հայ անկախ պետականութեան ու ազգային միասնութեան հիմնահարցերը գլխատրապէս ուսումնասիրուած էին Սփիտքում: Այս տեսանկիւնից յիշատակելի են Ռիչըրդ Յովհաննիսեանի, Լեւոն Մարաշլեանի, Ազապի Նասիպեանի, Զաւէն Մսըրղեանի աշխատութիւնները: Յիրաւի, սփիւռքահայ պատմաբանների հիմնարար ուսումնասիրութիւնները եւ ծանրակշիռ ներդրում են հայ պատմագիտութեան մէջ:

ՊՐԵՍՔ-ԼԻԹՈՎՍՔԻՅ ՄԻՆՉԵԻ ՊԱԹՈՒՄ ՀԱՅԱՍՏԱՆԻ ԻՐԱՆԱԿԱՆ ԿԱՐԳԱՎԻՃԱԿԻ ԵՒ ՍԱՀՄԱՆՆԵՐԻ ԼՈՒՍԱՐԱՆՈՒՄԸ

1918ին հայոց անկախ պետականութեան վերականգնման ընթացքն անմիջականորէն կապուած էր Ա. Աշխարհամարտի աւարտական փուլում Հայաստանի շուրջ տեղի ունեցող ռազմաքաղաքական իրադարձութիւնների հետ: Այսպէս, **Վահան Մելիքեանի** դիտարկմամբ, թէեւ Քառեակ Միութեան պետութիւնների՝ Գերմանիայի, Աւստրո-Հունգարիայի, Օսմանեան Կայսրութեան եւ Բուլղարիայի հետ անջատ հաշտութիւն կնքելու բոլշեւիկեան քաղաքականութիւնը ՀՅԴԻ համար լիովին հասկանալի չէր, այնուամենայնիւ, հայ բնակչութեան եւ տարածքների անվտանգութեան ապահովման նկատառումներով կուսակցութեան ջանքերով հետեւողականորէն իրականացուած էր հայկական զօրքի զօրակոչը: Աւելին, գիտակցուած էր, որ ռուսական պետականամէտ ռազմաքաղաքական ուժերի հետ կայուն դաշինքի ստեղծումն առանելապէս բխում էր հայ ժողովրդի շահերից, քանի որ, նախ բացայայտ չէր բարձրացուած ազգային ինքնիշխանութեան մերժման խնդիրը, ապա Արեւմտեան Հայաստանում կանգնած Կովկասեան բանակի զօրամասերի ներկայութիւնը երաշխատրում էր ռուսաստանեան կենտրո-

նամւոյ ուժերի միջոցով Հայկական Հարցի բարենպաստ լուծումը²: Սակայն, Ռուսաստանից առանձին գործելու եւ Օսմանեան Կայսրութեան հետ անջատ հաշտութիւն կնքելու՝ Անդրկովկասեան Կոմիսարիատի դիրքորոշման պայմաններում «*հայ իրականութեան ազդեցիկ քաղաքական կուսակցութիւնը՝ Դաշնակցութիւնը, իհարկէ երկխօղելով ու փազնապելով, բայց եւ հակաբոլշեփեան այլիքի վրայ վճռականօրէն ընկրեց Թուրքիայի հետ մերձեցման ճանապարհով եւ հարեանների աճող ոչ-բարեհաճ վերաբերմունքի միջավայրում՝ ազգային գլխատր խնդիրները լուծելու ճանապարհը, նաեւ անկախութեան հիմնահարցը: Շարունակուող պատերազմի պայմաններում անորոշ մի փարածքի վրայ պետութիւն վերագրւելու գաղափարը, փաստօրէն, զերակայեց բազմաթիւ ոչ-պակաս համազգային կենսական նշանակութիւն ունեցող հիմնահարցերի վրայ, մանաւանդ, որ այդ մեծ գործընթացի նախաձեռնութիւնն ամենեւին հայ ազգային-դեմոկրատական կուսակցութեանը չէր պատկանում: Սէկ դար անց, ՀՅԴն դէմ է իր ընկրած ուղեւիշին, որն իղէպ, սկիզբ էր առել 1907 թուականին, ի դէմս ՀՅԴ երիտօրրքեր համագործակցութեանը»³ շեշտում է Մելիքեանը⁴:*

Անուանի պատմաբան **Հրանտ Աւետիսեանի** համոզմամբ, Անդրկովկասեան Սէյմում ՀՅԴ ներկայացուցիչների (Արշակ Զուրաբեան, Ալեքսանդր Խատիսեան, Յովհաննէս Քաջազնունի, Սիրական Տիգրանեան) առաջ քաշած Արեւմտեան Հայաստանի ինքնորոշման եւ ինքնավարութեան հարցադրումը ծախսողելու գործում վճռական դեր է կատարել մուսուաթականների ընդգծուած հակահայ դիրքորոշումը: Ի հակադրութիւն հայկական կողմի հարցադրման, նրանք բարձրացնում էին ոչ միայն հայերի, այլեւ Ռուսաստանի սահմաններում բոլոր ազգութիւնների ինքնորոշման հարցը՝ նկատի ունենալով նախեառաջ մուսուլմաններին եւ *իրրեդենտիզմի*⁵ թուրքալեզու ժողովուրդներին միասնական թուրքական պետութեան սահմաններում միատրելու քաղաքականութիւնը, որը յանգում էր նախ եւ առաջ Կովկասի «միատրմանը»՝ Օսմանեան Կայսրութեանը: Կովկասի մուսուաթականների ճնշման եւ վրացի մենշեփիկների խուսափողական կեցուածքի պայմաններում Անդրկովկասի Սէյմի հաստատած հաշտութեան հիմնադրոյթներում ամրագրուեցին կնքուելիք հաշտութեան պայմանների հիմքում «*Ռուսաստանի եւ Թուրքիայի միջեւ 1914 թ. պատերազմը յայտարարելու պահին եղած պետական սահմանների վերականգնումը*» եւ «*Արեւելեան Անապոլիայի ինքնորոշման իրաւունքին, մասնատրապէս Թուրքահայաստանի ինքնորոշմանը՝ թուրքական պետականութեան շրջանակներում*» ձգտելը: Աւետիսեանը հիմնատրում է, որ գերմանա-ատրո-թուրքական պատուիրակութիւնները Պրեսթ-Լիթովսքի հաշտութեան բանակցութիւններում «երկակի ստանդարտների» դիւանագիտութեան միջոցով կարողացան հմտօրէն օգտագործել ազգերի ինքնորոշման միջազգային-իրաւական սկզբունքը Խորհրդային Ռուսաստանի դէմ՝ յօգուտ Քառեակ Միութեան երկրների՝ մասնատրապէս, Թուրքիայի ծաւալապաշտական նպատակների՝

դրանով իսկ ոչ միայն ծախողելով Հայկական Հարցի արդարացի լուծումն այդ սկզբունքի հիման վրայ, այլև՝ Պրեսթ-Լիթովսքի հաշտության պայմանագրով հասնելով թուրքական պետության ցեղասպան քաղաքականության հետեանքով հայթափուած Արեւմտեան Հայաստանում թուրքական տիրապետության վերականգնմանը⁵: Այդպիսով ի չիք դարձաւ 1917 Պեկտեմբերի 29ին Խորհրդային Ռուսաստանի գործադիր իշխանութեան՝ Ժողովարտիի ընդունած «Թուրքահայաստանի Մասին» հրովարտակի իրականացումը: Նաեւ Ժխտուեց խորհրդային կառավարութեան «Հաշտութեան Մասին» հրովարտակով հռչակուած «հաշտութիւն առանց հողագրատմաների եւ ռազմատուգանքների» սկզբունքը⁶: Աւետիսեանը թուրքական գործելակերպի մէջ կարեւորում է համաթուրքական նուաճողական նպատակների իրագործմանն ուղղուած բարոյահոգեբանական ճնշումների դիւանագիտական հնարքի եւ տարածքային զաւթումների տրամաբանուած ու հետեւողական զուգակցումը: Դրանով էլ նա բացատրում եւ հիմնաւորում է օսմանեան իշխանութիւնների կողմից հայերի ցեղասպանութիւնն ու հայրենագրկումը շարունակելը եւ քրտական էթնիկ տարրն ամրապնդելը բոնագաւթուած հայկական տարածքում, թուրքական դիւանագիտութեան կողմից Արեւմտեան Հայաստանի ինքնավարութիւնը նոյնիսկ թուրքական պետութեան սահմաններում անգիջում կերպով մերժելը, անթոյլատրելի ու «իրենց ներքին գործը» համարելը, Անդրկովկասը Ռուսաստանից անջատելու, անկախ հռչակելու եւ այն Թուրքիայի ու Ռուսաստանի միջեւ *բուֆերային* պետութեան վերածելու քաղաքականութիւնը⁷:

Եթէ Աւետիսեանը «Թուրքահայաստանի Մասին» հրովարտակի չիրագործումը եւ Արեւմտեան Հայաստանի, Կարսի ու Արտահանի մարզերի յանձնումը բացատրում է Պրեսթ-Լիթովսքի բանակցութիւնների ընթացքում Թուրքիայի զաւթողական կեցուածքով, խորհրդային կառավարութեան՝ բանակցութիւնները ձգձգելու եւ գիջումների քաղաքականութեամբ, ապա **Ստեփան** եւ **Կարէն (Կարօ) Պօղոսեան**ները կարեւորում են «հայ ժողովրդի անկարողութիւնը», միջազգային յարաբերութիւններում նրա «գործօն չլինելը»՝ նկատի ունենալով Արեւմտեան Հայաստանի հայթափուած լինելը, հայերի՝ ռազմական ու դիւանագիտական ուժի բացակայութիւնը, ազգային կենսական հարցերում, մասնաւորապէս՝ հայկական տարածքներում ինքնապաշտպանութեան կազմակերպման հարցում անմիաբան լինելը, Հայկական Հարցում մեծ տէրութիւնների, Խորհրդային Ռուսաստանի եւ Օսմանեան Կայսրութեան շահադիտական քաղաքականութիւնը⁸:

Անդրադառնալով Կարսի, Արտահանի եւ Պաթումի մարզերում հանրաքուէի հարցին՝ Պօղոսեանները շեշտում են, որ նշուած տարածքների բնակչութեան՝ իր պետական-իրաւական եւ միջազգային-իրաւական նոր կարգը հանրաքուէի ու դրա արդիւնքները Օսմանեան Կայսրութեան ու հարեան պետութիւնների հետ համաձայնեցնելու միջոցով որոշելու իրաւունքը յարգելու փոխարէն, «... մտնելով այդ վարչական փարածքները, թուրքերը հան-

դէս եկան հանրաքուէն նախապարասպորտի եւ անցկացնողի դերում ու այդ արեցին թուրքավարի՝ Կարսի անկումից չորս մահս անց»։ Նրանք նկատի ունեն մինչեւ հանրաքուէի անցկացումը տեղաբնակ ոչ-մահմետական բնակչութեան հանդէպ ահաբեկչութեան քաղաքականութիւնը եւ դրա հետեանքով այդ բնակչութեան կողմից հանրաքուէի պոյքթա-մերժումը, նաեւ միայն մահմետական բնակչութեան քուէարկութեան հիման վրայ Կարսը, Արտահանը եւ Պաթումը «ետգրաւումաձ հոչակելը» սուլթանի հրովարտակով։ Այս իմաստով պատմաբանները կարելորում են 1918 Օգոստոսի 12ին Կարսի Հայ Ազգային Խորհրդի կողմից Բեռլինի կառավարութեանը ներկայացում յուշագիրը վերոնշեալ հանրաքուէի մասին։ Փաստաթղթում ասում էր, որ հայ բնակչութեանը փոքրամասնութիւն դարձնելու համար մեծ թուով հայերի հարկադրել էին արտագաղթել եւ այլ վայրերից մահմետականներ էին վերաբնակեցրել հայաթափումաձ բնակավայրերում⁹։

Հայ ժողովրդի օրինական իրաւունքների ու ազգային շահերի ոտնահարումը շարունակուեց 1918 Մայիս-Յունիսին Պաթումի՝ հայ-թուրքական դիւանագիտական բանակցութիւններում։ Աւետիսեանը հիմնաւորում է, որ այդ բանակցութիւններում «< անկախութեան ճանաչման, նրա հետ «բարեկամութեան, յանրոժ խաղաղութեան» վերաբերեալ թուրքական պատուիրակութեան ներկայացրած ծրագիրը հայաջինջ քաղաքականութեան նոր դրսետրում էր, որով երիտթուրքական կառավարութիւնը, ռազմաքաղաքական իրադրութեանը համապատասխան, լուծում էր իր համար կենսական միջոցի խնդիր. վերահաստատում էր Պրետս-Լիթովսքի հաշտութեան պայմանագրով Արեւմտեան Հայաստանում թուրքական կառավարութեան գաղութատիրական իրաւունքների վերականգնումը, միջազգային-իրաւական ձեւակերպում էր տալիս Արեւելեան Հայաստանի տարածքի զգալի մասի՝ Շարուր-Դարալագեագի, Նախիջեանի, Սուրմալուի, Կարսի, Կաղզուանի, Սարիղամիշի, Ախալքալաքի, Լոռու զաւթմանը, ինչի հետեանքով Հայաստանն ու հայ ժողովուրդը դրում էին աւելի ծանր պայմանների մէջ, քան պարտադրումաձ էր եղել Պրետս-Լիթովսքի պայմանագրով¹⁰։

Աւետիսեանի եւ **Գեղամ Պետրոսեանի** համոզմամբ, 1918 Յունիսի 4ի Պաթումի Պայմանագրի ստորագրումով թուրքական կառավարութիւնը ժամանակ շահեց դէպի Բաքու շարժուելու ծրագրին նախապատրաստուելու համար։ Ծրագրի իրագործումը լիովին հնարատր էր Հայաստանի անկախ հանրապետութեան ճանաչման պայմաններում, քանի որ տնտեսապէս աղքատ, փոքր տարածք ունեցող ՀԱՀն չէր կարող երկիւղ ներշնչել Օսմանեան Կայսրութեանը։ Աւելին, հեռանկարում թուրքերը տեսնում էին այդ Հայաստանի վերացումը։ Եւ վերջապէս, Անդրկովկասում Հայաստանի անկախ հանրապետութեան հռչակմամբ վերացուեց Արեւմտեան Հայաստանի ինքնավարութեան՝ թուրքական կառավարութեանն անհանգստացնող հարցը, որը կարող էր բարձրացուել Օսմանեան Կայսրութեանը հակառակորդ պետութիւնների կողմից՝ համաշխարհային պատերազմում նրա

պարտութեան դէպքում: Թուրքերը հնարաւորութիւն ստացան յայտարարելու, որ Հայկական Հարցն արդէն լուծուած է¹¹: Ընդէն Պաթումի Պայմանագիրը ՀՀ արտաքին քաղաքական գործունէութիւնը սահմանափակում էր Քառեակ Միութեան պետութիւնների հետ յարաբերութիւններով, այդուհանդերձ, 1918 Մայիսի 30ին հրապարակուած կոչի համաձայն, Թիֆլիսի Հայոց Ազգային Խորհուրդը ստանձնեց հայկական բոլոր գաւառների միակ եւ գերագոյն իշխանութեան գործառոյթներ՝ չմատնանշելով, թէ որոշակի ո՛ր տարածքների մասին է խօսքը: Դա նշանակում է, որ Հայկական Հարցն արդէն իր հաստատուն տեղն էր գրաւելու ՀՀ արտաքին քաղաքականութեան ուղեգծում: Պատահական չէ, որ ՀՀ խորհրդի (յետագայում՝ խորհրդարան) անդրանիկ նիստում նախագահ Անտիք Սահակեանը, չկուսափելով նիստին Գերմանիայի, Աստրո-Հունգարիայի եւ Օսմանեան Կայսրութեան ներկայացուցիչների մասնակցութիւնից, յայտարարեց հետեւեալը.

Այո՛, մեր հանրապետութիւնը փոքր է ու նեղ իր սահմաններով, նա զրկուել է իր ամենազնախառնի երկրամասերից ու չի կարող իր մէջ տեղաւորել ամբողջ ազգաբնակչութիւնը եւ, կարծես թէ, պայմաններ չունի անկախ գոյութեան համար: Բայց ես կարծում եմ, որ երկրի սահմանները քարացած չեն կարող մնալ. միշտ ես հաւատում եմ, որ մեր սահմանները կ'ընդարձակուեն կեանքի երկաթէ օրէնքի ուժով, մեր արդար եւ անվիճելի իրաւունքների պաշտպանութեամբ գրաւած հողամասերի վերաբերմամբ եւ նոր բարեկամական դաշինքով Տաճկաստանի ու նրա դաշնակից պետութիւնների հետ ...: Մենք ընտրել ենք համաձայնութեան եւ խաղաղութեան ուղին ...¹²:

«Դա նշանակում է, որ Արեւմտեան Հայաստանի հիմնահարցն այնքան վճռորոշ էր հայութեան համար, որ Պաթումի Պայմանագրով ծանրագոյն վիճակի մէջ դրուած Արարատեան Հանրապետութիւնն իսկ... ենթադրեալով արտալայկում էր իր մտադրութիւնները Հայկական Հարցում»¹³ շեշտում է **Աշոտ Մելքոնեանը**: ՀԱՀի տարածքային յաւակնութիւնների հիմքում ընկած էին ոչ միայն պատմական գործոնը եւ թուրքական մահաբեր վտանգից պաշտպանուելու անհրաժեշտութիւնը, այլեւ այն փաստը, որ Հայաստանի անկախութեան հռչակումը նիւթականացրել էր հայոց անկախ պետականութեան գաղափարը: **Արարատ Յակոբեանը** իրաւացիօրէն յայտնում է.

Այս իրողութիւնն արձանագրելով հանդերձ՝ բնաւ չի կարելի կիսել այն հեղինակների տեսակէտը, որոնք ՀՀ անկախութիւնը դիտում են իրրեւ զուտ արտաքին ուժերի, տունալ դէպքում՝ Թուրքիայի թելադրանքը եւ նոյնիսկ «նուրը»: Հայ-թուրքական յարաբերութիւնների նախընթաց պատմութիւնը, պատմական դէպքերի ու իրադարձութիւնների տրամաբանութիւնը յուշում են, որ եթէ չլինէին մայիսեան հերոսամարտերը, Բաքուի ինքնապաշտպանութիւնը, եւ խնդիրը թողնուէր Թուրքիային, ապա նա ոչ միայն Հայաստանը չէր «անկախացնի», այլեւ պանթուրքական ծրագրերի ենթախորքում Անդրկովկասում եւս հայ չէր թողնի ու արեւելահայոց հարցը «կը լուծէր» արեւմտահայոց հարցի նման¹⁴:

Այսպիսով, պատմագիտական ուսումնասիրություններում շեշտում է, որ 1918ին Արեւելեան Հայաստանի տարածքում հայկական անկախ պետականութեան վերականգնումն է եղել Հայաստանի երկու մասերից իւրաքանչիւրի իրաւական կարգավիճակի վերաբերեալ հայ ազգային, հասարակական-քաղաքական ու մեծ տէրութիւնների կառավարող շրջանակներում քննարկուող առանձին ծրագրերը վերանայելու եւ դրանք Անկախ ու Միացեալ Հայաստանի ստեղծման՝ իրատապ դարձած գաղափարին համահունչ վերածեակերպելու ազդակը:

ԱՆԿԱԽ ԵՒ ՄԻԱՅԵԱԼ ՀԱՅԱՍՏԱՆԻ ԳԱՂԱՓԱՐԻ ՎԵՐԱՐԺԵՒՈՐՈՒՄԸ

Ա. Աշխարհամարտում Օսմանեան Կայսրութեան պարտութիւնից եւ 1918 Հոկտեմբերի 30ին Մուտրոսի Զինադադարի կէքումից յետո՝ նոր ռազմաքաղաքական իրադրութեան պայմաններում՝ Հոկտեմբերի 31ին, Բեռլինում գործող հայկական պատուիրակութեան անդամների եւ հայ պետական ու հասարակական-քաղաքական գործիչների մասնակցութեամբ Գերմանիայի մայրաքաղաքում կայացած խորհրդակցութեան արդիւնքում որոշուեց, որ Հայկական Հարցի լուծման բոլոր տարբերակներում «Հայաստանը վերջնական եւ անվերադարձ պէտք է դուրս գայ թուրքական ոլորտից եւ նրա ազդեցութիւնից»¹⁵:

1919 Փետրուարի 6-13՝ Երեւանում կայացած Արեւմտահայերի երկրորդ Համագումարում ընդունուած ծրագրային որոշման համաձայն, Հայաստանը հռչակուեց անկախ եւ միացեալ: Դա նշանակում էր «Ա՛լէկ ժողովուրդ, մէկ հայրենիք» սկզբունքի ընդունում, հայութեան ինքնակազմակերպման նոր մակարդակի սկիզբ, բայց ոչ բնաւ Հայկական Հարցի դուրսնդում միջազգային դիւանագիտութեան օրակարգից, քանի որ համագումարն արտայայտում էր արեւմտահայերի՝ ՀՀում ապաստանած հատուածի շահերը՝ առանց հայկական գաղթօճախների, Արեւմտեան Հայաստանի ու Կովկասի հայերի: «Նախորդ համագումարից այն նախ եւ առաջ առանձնանում է նրանով, որ արտայայտում էր անկախութիւն հռչակած ժողովրդի կամքը»: Աւելին, «նոր համագումարը կազմկոմիտէի արեւմտահայ գործիչների կողմից դիւրում էր որպէս Հայաստանի Հանրապետութիւնում արեւմտահայերի ներկայացուցչական, քաղաքական մարմին»՝ նշում է Մելիքեանը: Այնուհետեւ, անդրադառնալով արեւմտահայերին Պօղոս Նուպարի շուրջ համախմբելու, ապա՝ Պօղոս Նուպարի ու Քաջազնունու փոխհամաձայնութեամբ համազգային սահմանադրութիւն ընդունելու եւ միացեալ կառավարութիւն կազմաւորելու միջոցով «մէկ հայրենիք»ի, այսինքն՝ «Միացեալ եւ Ազատ Հայաստանի» գաղափարն իրագործելու՝ համագումարի դիրքորոշմանը՝ պատմաբանը շեշտում է, որ դրանով «վճռական քայլ արուեց հայ ժողովրդի երկու հատուածների մերձեցման, քաղաքական գործիչների հաշտեցման ուղղութեամբ: ...Նախածեռնութիւնը պարկանում էր արեւմտահայերին, ինչը բխում էր ժողովրդի այդ հատուածի օրհասական, ողբեր-

գական վիճակից»¹⁶: Նաեւ նշենք, որ համահայկական խնդիրների նկատմամբ արեւելահայութեան, արեւմտահայութեան եւ հայկական գաղթածախների դիրքորոշումներն ի մի բերելու, ազգային պահանջների միասնական ծրագիր մշակելու նպատակով Պօղոս Նուպարն առաջ էր քաշել հայկական ազգային համագումար հրաւիրելու գաղափարը, ի կենսագործումն որի 1919 Փետրուարի 24ից Ապրիլի 22ը Փարիզում տեղի ունեցաւ Համահայկական Համագումարը¹⁷: Մելիքեանը կարեւորում է այս համագումարն արեւմտահայերի ինքնակազմակերպման, արեւմտահայ-արեւելահայ առճակատումը մեղմելու, համազգային կենսական հիմնահարցերի վերաբերեալ միասնական դիրքորոշում մշակելու եւ այն միջազգային ասպարէզում միասնաբար պաշտպանելու տեսանկիւնից՝ նշելով, որ «1878 թ. *Քեոյի*ի վեհաժողովից յետոյ, Հայկական Հարցն առաջին անգամ յառնեց համահայկական քաղաքական ծրագրի տեսքով ու նաեւ որպէս հետեւանք՝ համարեղ գործունէութեան եւ փոխադարձ զիջումների»¹⁸:

Մելիքեանը միանգամայն օրինաչափ է համարում «ՅՊի բարձր հեղինակութիւնն ու ազդեցութիւնը հայ հասարակական-քաղաքական կեանքում: Միաժամանակ, նա շեշտում է, որ վերջինիս հզօրութիւնն առարկայօրէն մեկուսացնում էր միւս առաջատար ազգային ուժերին՝ Ա. Գ. Անչակեան եւ Սահմանադրական Ռամկավար կուսակցութիւններին, աւելի յաճախ նրանց վերածում անհաշտ հակառակորդների, իսկ բոլշեփկեան յեղաշրջումից յետոյ այդ երեւոյթի խորացումն արդէն յանգեցրեց ճակատագրական սխալների»¹⁹:

Մելիքեանը նկատում է, որ ՀԱՀի գոյութեան ընթացքում հայ հասարակական-քաղաքական շրջանակներում համազգային նախաձեռնողական արտաքին քաղաքականութեան օրակարգ մշակելու փոխարէն շարունակում էին քննարկել Հայկական Հարցի բովանդակութեան եւ բնոյթի, Հայաստանի երկու մասերի իրաւական կարգավիճակի հարցերը միասնութեան մէջ, թէ՛ առանձին-առանձին դիտարկելու տեսակէտները: Պատմաբանն այդ իրողութիւնը բացատրում է նրանով, որ տասնամեակներ շարունակ հայ հասարակական-քաղաքական միտքը հայոց պատմական հայրենիքում հայկական պետականութեան վերականգնման գաղափարը կապել էր բացառապէս Արեւմտեան Հայաստանի հետ: Ընդ որում, Հայկական Հարցը հետապնդել էր Արեւմտեան Հայաստանի բարենորոգումների կամ էլ հեռատուր ապագայում հնարատուր ինքնորոշման հարցերը: Ինչ վերաբերում է Արեւելեան Հայաստանին, ապա մինչեւ 1917ի վերջերը՝ ռուսական բազմազգ պետութեան փլուզումը, նրա որեւէ հատուածում հայկական պետականութեան վերականգնման որեւէ ծրագիր կամ նպատակ գոյութիւն չէր ունեցել: Հետեւաբար, հայկական անկախ պետականութեան վերականգնումն ի դէմ ՀԱՀի, երբ պատմական հայրենիքի մեծ մասի խնդիրը տակաւին լուծուած չէր, արեւմտահայերի մի մասի համար «խորթ, անընդունելի» երեւոյթ էր: Մելիքեանը նշում է, որ արեւելահայ ու արեւմտահայ

առճակատումից, նաեւ արեւմտահայութեան մի զգալի մասի մէջ ՀԱՀի նկատմամբ խորացող «անհանդուրժողական» վերաբերմունքից բացի, տարանջատ ու հատուածական էր նախ եւ առաջ ՀԱՀում, Արեւմտեան Հայաստանում, Կովկասում, հեռաւոր երկրների հայկական գաղթօճախներում ապաստանած արեւմտահայկական խմբերի գործունէութիւնը²⁰:

ՍԵՒՐԻ ՊԱՅՄԱՆԱԳՐԻ, ՀԱՅԱՍՏԱՆԻ ՀՈԳԱՏԱՐՈՒԹԵԱՆ, ԱՐՏԱՔԻՆ ՔԱՂԱՔԱԿԱՆ ԿՈՂՄՆՈՐՈՇՄԱՆ ԵՒ ՀԱՅԱՍՏԱՆԻ ԱՌԱՋԻՆ ՀԱՆՐԱՊԵՏՈՒԹԵԱՆ ԱՆԿՄԱՆ ՊԱՏՃԱՌՆԵՐԻ ՎԵՐԱԳՆԱՀԱՏՈՒՄԸ

1918-20ի հայկական պետականութեան եւ ազգային միասնութեան հիմնահարցի հետ անմիջականորէն կապուած են նաեւ Սեւրի Պայմանագրում Հայաստանի սահմաններին, իրաւական կարգավիճակին ու հայ ժողովրդի իրաւունքներին վերաբերող յօդուածների վերագնահատման խնդիրները:

Ա. Համաշխարհային Պատերազմում յաղթանակած Դաշնակից Տէրութիւնների եւ պարտուած Օսմանեան Կայսրութեան միջեւ 1920 Օգոստոսի 10ին Սեւրի Հաշտութեան Պայմանագրի ստորագրմամբ Փարիզի Հաշտութեան Միջազգային վեհաժողովն աարտեց պատերազմի արդիւնքների ամփոփումը: Դաշնակից պետութիւնների շարքում երիտթուրքական կառավարութեան հետ պայմանագիրը ստորագրեց նաեւ Հայաստանը՝ ի դէմս ՀԱՀ պաշտօնական պատուիրակութեան նախագահ Աւետիս Ահարոնեանի: ՀԱՀի մասնակցութիւնը պայմանագրի ստորագրմանը՝ միջազգային իրատունքի տեսանկիւնից նշանակում էր՝ Հայաստանի *դէ ետրէ* (de jure), ճանաչում պայմանագիրը ստորագրող պետութիւնների կողմից: 1915-16ին իր հայրենիքում բռնի տեղահանութեան ու զանգուածային կոտորածների ենթարկուած, հայրենագրկուած, սփռուած եւ միայն 1918 մայիսեան հերոսամարտերի արդիւնքում հայրենի մի փոքր հողակտորի վրայ անկախ պետականութիւնը նոր-նոր վերագտած հայ ժողովուրդը Սեւրի Պայմանագրի հետ կապում էր Հայկական Հարցի արդարացի լուծման յոյսը:

Թէեւ Սեւրի Պայմանագրի ստորագրումից անցել է մէկ դար, այդ միջազգային դիւանագիտական փաստաթղթի նկատմամբ ՀՀի ու Ափիւղքի թէ՛ գիտական եւ թէ՛ հասարակական-քաղաքական շրջանակներում հետաքրքրութիւնը ոչ միայն չի նուազել, այլեւ ճեռք է բերել նոր իմաստ ու բովանդակութիւն: Դա բացատրում է նրանով, որ հայ պատմագիտութիւնն ընդհուպ վերջին միջբանի տարիները, Սեւրի Պայմանագիրը հիմնականում դիտարկել է հայ ժողովրդի տարածքային պահանջների վերաբերեալ 88-93րդ յօդուածների շրջանակներում: Եւ միայն վերջին տարիներին են ուսումնասիրութեան առարկայ դարձել պայմանագրում ՀՀին ու հայութեան անտղակիօրէն վերաբերող, բայց չափազանց կարեւոր յօդուածները: Սեւրի Պայմանագիրը գիտական հետաքրքրութիւն ներկայացնելուց բացի, հայերի համար ունի քաղաքական նշանակութիւն, քանի որ Արեւմտեան Հայաստանի նկատմամբ հայ ժողովրդի անվիճելի եւ արդարացի իրա-

ունքները հաստատող կարետր դիանագիտական փաստաթուղթ է, իրական անժամանցելի հիմք՝ հայոց պահանջատիրութեան համար:

Պատմագիտական աշխատութիւններում շեշտում է, որ, եթէ իրադարձութիւնները բարեյաջող ընթացք ունենային եւ Սեւրի Պայմանագրում հայ ժողովրդին ու Հայաստանին վերաբերող յօդուածներն ամբողջութեամբ իրագործուէին, ապա կարելի կը լինէր յայտարարել, որ լուծուել է Հայկական Հարցը: Նաեւ ընդգծում է, որ, թէեւ Սեւրի Պայմանագիրը չվատերացուեց ու չիրագործուեց, այնուամենայնիւ, այդ պայմանագրով Արեւմուտքը պաշտօնապէս ճանաչեց հայ ժողովրդի պատմական իրատւոյնը Արեւմտեան Հայաստանի նկատմամբ եւ այդ տարածքում հայկական անկախ պետութեան ստեղծման անհրաժեշտութիւնը²¹: Այս տեսանկիւնից Սեւրի Պայմանագիրը գնահատում է որպէս Հայկական Հարցի լուծման մինչ այդ եղած տարբերակներից ամենայաջողն ու արմատականը, քանի որ նրա հիմքում դրուած էր հայկական տարածքների միատրամբ անկախ Հայաստանի ստեղծման նպատակը: Այդուհանդերձ, Հայկական Հարցի լուծումը Դաշնակիցների համար ունէր առաւելապէս բարոյական-քարոզչական նշանակութիւն այն իմաստով, որ նրանք համաշխարհային պատերազմը յայտարարել էին պատերազմ՝ «յանուն փոքր ժողովուրդների ազատագրութեան»: «... Սեւրը ծնուեց ոչ այնքան որպէս աշխարհելուն նպատակադրուած պայմանագիր, որքան միջոց թոյլ չտալու, որ օսմանահպարակ ժողովուրդները, մասնատուրապէս հայերը կողմնորոշուէին դէպի Խորհրդային Ռուսաստան, յանձին սպեղծուելիք Հայաստանի ելք ունենալ դէպի Բաքու եւ Իրան, մեկուսացնել Թուրքիան Ռուսաստանից»՝ շեշտում են Պողոսեաններն ու յանելում, որ Դաշնակից Տէրութիւնները մտադրութիւն չունէին մարդկային, նիւթական ու ֆինանսական միջոցներ տրամադրելու Սեւրի Պայմանագրով նախատեսուած Հայկական Հարցի լուծմանը²²: Իսկ Աւետիսեանի կարծիքով, ամերիկեան զօրավար Ճէյմս Հարպորտի գլխատրած ռազմական առաքելութեան կազմած Կոստանդնուպոլսից մինչեւ Անատոլիա, Արեւմտեան Հայաստան եւ Անդրկովկաս միասնական հոգատարութեան նախագծի իրագործման դէպքում չէր բացառում նոր հնարատրութիւնների ստեղծումը թուրքական կառավարութեան համաթուրքական նուաճողական ծրագրերի իրագործման համար: Հարցն այն է, որ ըստ 1919 Շոտլանտի 16ին Հարպորտի առաքելութեան կողմից ծերակոյտին ներկայացուած զեկուցագրի, Կոստանդնուպոլսից, Անատոլիան, Արեւմտեան Հայաստանը եւ Անդրկովկասը ենթարկուելու էին ամերիկեան միասնական հովանաւորութեանը: Ընդ որում, Անդրկովկասը, որն անջատուել էր Ռուսաստանից, պէտք է միացուէր Թուրքիային: Միասնական հոգատարութեամբ ազգային պետութիւններ պէտք է կազմաւորէին թուրքերը, թաթարները, հայերը, վրացիները: Հարպորտի առաքելութեան անդամների կարծիքով, «միասնական մանդատի իրացման ժամանակ հայերը եւ թուրքերը կը լինէին հարեաններ, երկու կամ երեք մանդատի դէպքում՝ հակառակորդներ»²³: Աւե-

տիսեանն այս նախագիծը գնահատում է որպէս թուրքանպաստ, քանի որ «Հայաստանի «վերացումով» կապ կը հաստատուէր Կովկասի եւ Անդրկասպեան երկրների թուրք-թաթարների միջեւ, կը ստեղծուէր ուժեղ եւ միասնական թաթարական պետութիւն: Դառնալով երկրի գլխաւոր տէրերը՝ թուրքերը, միասնական հոգատարութեան ժամկէտի աւարտով վերսկսելու էին քրիստոնեաների՝ առաջին հերթին հայերի կոտորածներն ու թալանը: Աւետիսեանն իր տեսակէտը փաստարկում է 1919 Հոկտեմբերի 15ին Մուստաֆա Քեմալի հետեւեալ յայտարարութեամբ. «*Ելնելով մեր ամբողջ փորձից, մենք համոզուած ենք, որ Ամերիկան միակ երկիրն է, որն ի վիճակի է օգնել մեզ*»²⁴: Համաթուրանիզմից ազատուելու միակ ճանապարհն, ըստ պատմաբանի, կարող էր լինել Անատոլիայի թուրքերի բաժանումը Կովկասից եւ Կասպիականից այն կողմ բնակուող թուրանականներին: Բաժանարարի դերում Հայաստանն էր²⁵: Համաթրքութեան վտանգատրութեան խնդիրը դիտարկելով ժամանակի հոլովոյթում՝ Աւետիսեանը միանգամայն իրատեսական եւ հիմնատրուած է համարում ՀԱՀ կառավարութեան կողմից 1919 Յունիսի 16ին կնքուած վրաց-ադրբեջանական «պաշտպանական» համաձայնագրին միանալու գաղափարի մերժումը, քանի որ դրա նպատակը զօրավար Անտոն Տեյխիքինի բանակի առաջխաղացման դէպքում համատեղ հանդէս գալն էր: Կարեւորելով պատմական փորձի դերը՝ ազգի եւ պետութեան առջեւ ծառայած բարդ ու ճակատագրական իրավիճակներում ճիշտ կողմորոշուելու գործում, պատմաբանը շեշտում է, որ Ռուսաստանի հարցում Հայաստանը չի կարող եւ չպէտք է կովկասեան ժողովուրդների կողմնորոշումն ունենայ. հակառուսական կողմնորոշումը չի բխում հայ ժողովրդի շահերից²⁶:

Հայկական անկախ պետականութեան եւ ազգային միասնութեան հիմնահարցերն ամերիկեան միասնական հոգատարութեան շրջանակներում լուծելու հետանկարների առնչութեամբ ուշագրաւ են Մելիքեանի եւ **Գայիանէ Մախմութեանի** դիտարկումները: Մելիքեանը նշում է, որ Կոստանդնուպոլսից մինչեւ Կովկաս ամերիկեան միասնական հոգատարութեան գաղափարի հիմքում դրուած տարածաշրջանում ապրող տարբեր ազգերի ու ժողովուրդների նկատմամբ մէկ ուժային կենտրոնի հովանատրութեան հաստատման սկզբունքի «*ենթապրեքստում անպայման նկատի էր առնում բոլշեփկների կողմից Անդրկովկասը խորհրդայնացնելու քաղաքականութեան գործօնը*»: Այս իմաստով պատմաբանը արդիական է համարում Հարպրոտի մօտեցումն այն մասին, որ միասնական հոգատարութեան դէպքում հայերը եւ թուրքերը կը լինէին հարեաններ, երկու կամ երեք հոգատարութեան դէպքում՝ հակառակորդներ²⁷: Իսկ Մախմութեանը նշում է, որ «*ժողովրդի եւ պետութեան ճակատագիրը միջազգային դիանագիտական կոնգրէսին անմիջականօրէն յանձնելու մասին մեծ պէտքութիւնների որոշումը գայիս էր կասեցնելու: ճնշուած ժողովուրդների ինքնորոշման սկզբունքի իրագործումը: Ահա հենց այդ պարճառով էլ Հայաստանի ան-*

կախություն գաղափարը յանգեցում էր վերջինիս ինքնավարությանը մեկ կամ բոլոր մեծ փերությունների հովանու ներքո»։ Բացի այդ, ՀԱՀի սահմանները ձեւատրում էին ոչ թե ներսից՝ պետության շահերին ու հնարատրություններին համապատասխան, այլ այդ հարցի լուծումն ակնկալում էր դրսից՝ Դաշնակից Տերություններից, ինչն էլ հայ ժողովրդի ու նրա անկախ հանրապետության համար ծնում էր անորոշ ու սպասողական իրավիճակ՝ կաշկանդելով եւ կասեցնելով հայկական պետականության համար կենսական նշանակություն ունեցող բազմաթիւ հարցերի լուծումը²⁸։ Եւ քանի որ ՀԱՀը չսպիազանց թոյլ էր Բնութիայի դէմ պատերազմից խուսափելու ու դիանագիտական բանակցությունների միջոցով իր խաղաղ գոյակցությունն ապահովելու համար, ուստի նրան մնում էր մեկ այլընտրանք՝ հաւաքել առկայ բոլոր ուժերն ու փորձել համաձայնության գալ Խորհրդային Ռուսաստանի հետ, ինչը տեղի չունեցաւ²⁹։ **Գալուստ Գալոյեանի** համոզմամբ եւս, ՀԱՀի շահը պահանջում էր մերձենալ Ռուսաստանի հետ³⁰։

Մախմուրեանը նաեւ կարեւորում է հայկական գործոնի դերը Հայկական Հարցի արդարացի լուծման գործում։ Նրա կարծիքով, Փարիզի Հաշտության Վեհաժողովի ընթացքում հայկական կողմի դիրքորոշումը կարող էր վճռորոշ նշանակություն ունենալ Հայաստանի բաղաբական կարգավիճակի, նրա սահմանների, Հայաստանի հոգատար պետության թեկնածու-թեան վերաբերելալ սկզբունքային հարցերում, եթէ հայկական պատուիրականությունները պաշտպանէին միեւնոյն ծրագրային դրոյթները եւ կարողանային դիանագիտորէն օգտագործել մեծ տէրությունների միջեւ հակասությունները։ Դրա փոխարէն հայկական կողմն ունէր «երկու տարբեր մօտեցում հայկական պետության ապագայի վերաբերելալ. սա վկայում էր, որ հայերը չունեն միասնական պատուիրակություն, որը վարէր երկակի խաղ, այլ ունեն երկու պատուիրակություն, որոնք մրցակցում են յանուն յիղէրութեան։ Նոյնիսկ այս պարագայում պատուիրակություններից եւ ոչ մէկը չէր կարողանում մեծ փերություններին ցոյց տալ Հայաստանի մանդատից նրանց համար հնարատր տնտեսական օգուտները կամ արտոնությունները։ Այսպիսով, հայկական երկու պատուիրակությունների գործունէութիւնը ոչ թէ ներսից ուղղորդուող երկակի խաղ էր, այլ՝ երկու տարբեր դիրքորոշում ազգային խմբի ներսում»³¹։ Նշում է Մախմուրեանը։ Պատմաբանը քննադատում է նաեւ ՀՀ կառավարութեան արտաքին քաղաքականութեան արեւմտեան ուղղութիւնը եւ Սեւրի Պայմանագիրն արտաքին ուժերի կողմից իրագործուած տեսնելու՝ ՀՀ ղեկավարութեան յոյսերը, ընդգծելով, որ այդ դիրքորոշման հետեւանքով վտանգի տակ էր դրում ամէն ինչ, այդ թում՝ ազգի կեանքը³²։ Նրա կարծիքով, սխալ էր նաեւ յուսալ, թէ հայկական անկախ պետութեան սահմանները կարող էին որոշուել ԱՄՆ նախագահ Ռուդոլֆ Ուիլսոնի իրաւարար վճռով, քանի որ դրանք, իրականում, պայմանատրուած էին հայ-թուրքական յարաբերությունների ընթացքով, իսկ Դաշ-

նակից Տերութիւնների միջամտութիւնը կարող էր միայն նպաստող, ոչ թէ վճռորոշ նշանակութիւն ունենալ³³:

1920ի ամռանն ու յատկապէս Սեւրի Պայմանագրի կնքումից անմիջապէս յետոյ՝ թորք-հայկական պատերազմի նախօրեակին, հայ քաղաքական գործիչներից շատերը գտնում էին, որ հնարատր էր համաձայնութեան գալ ու հաշտութեան պայմանագիր կնքել թուրքերի հետ՝ նրանցից ետ ստանալով Ալաշկերտն ու Բայազետը սեւրեան պահանջներից հրաժարուելու դիմաց: «Իհարկէ, կարելի է վիճարկել այդ վարկածի ուղարկութեան շուրջը, բայց, այնուամենայնիւ, կարծում ենք՝ կային համաձայնութեան գալու հաւանականութեան որոշ պաշար ու կոռաններ: Սակայն հանրապետութեան ղեկավարութիւնը եւ գրեթէ ամբողջ ժողովուրդը չգնաց նման զիջման»³⁴ նշում է Յակոբեանը: Պատմաբանն այդ կապակցութեամբ յիշատակում է Քաջագնունու միտքը, որ այդ շրջանում Սեւրի Պայմանագիրը այնքան էր շլացրել մեր աչքերը, ոգետրել էր ինքնավստահ դարձրել մեզ, որ անելող համարեցինք բանակցել թուրքերի հետ³⁵: «Աւելին, այդ ժամանակ նոյնիսկ գլխուեցին հայ «գործիչներ», որոնք անարդար համարեցին Սեւրի Պայմանագիրը՝ դժգոհելով, թէ նրանում ընդգրկուած չեն հայկական մնացած վիլայէթները: Դպրոդութիւններ անելով այդ մասին, այնուամենայնիւ, գտնում ենք, որ դժուար էր վստահել ու հասարակ փոխգիշտմանային բանակցութիւններ վարելու քեմալականների անկեղծութեանը»³⁶ յատելում է Յակոբեանը: Նրա համոզմամբ, խորհրդա-քեմալական հակահայ գործակցութիւնը, քեմալական կառավարութեանը սիրաշահելու անգլո-ֆրանսիական քաղաքականութիւնը Սեւրի Պայմանագրի հիման վրայ Հայկական Հարցի լուծման ծախսողման հիմնական պատճառներն էին: Պատմաբանը նշում է, որ ՀԱՀ Արեւմտեան արտաքին քաղաքական կողմնորոշումը մեզ տուեց ընդամենը Սեւրի Պայմանագրով ստորագրուած միացեալ, անկախ, ազատ Հայաստան, որն այդպէս էլ մնաց թղթի վրայ, չվաներացուեց ոչ մի պետութեան կողմից եւ չիրականացաւ կեանքում: Միաժամանակ, նա ՀԱՀ Արեւմտեան արտաքին քաղաքական կողմնորոշման անխուսափելիութիւնը բացատրում է Ռուսաստանում իշխանութեան գլուխ կանգնած բոլշեփկների հասարակական-քաղաքական վարչակարգի անընդունելիութեամբ, Ռուսաստանում ընթացող քաղաքացիական պատերազմով, որն անհնարին էր դարձնում Հայկական Հարցի արդարացի լուծման հարցում նրա ժախկնութիւնն ակնկալելը³⁷:

Անդրադառնալով Փարիզի Խաղաղութեան Վեհաժողովի շրջանակներում Հայկական Հարցի դիւանագիտական քննարկումներին զուգահեռ ընթացող հայ-ռուսական բանակցութիւններին՝ Պօղոսեաններն, ընդհակառակը, նկատում են, որ Մոսկուայի դիրքորոշումը միայն առաջին հայեացքից էր հակահայկական.

Ռուսաստանը, լինելով հանդերձ քեմալական Թուրքիայի դաշնակիցը, դեմ էր Անդրկովկասում նրա դիրքերի ուժեղացմանը, քաջ գիտեսնալով, որ Քեմալը

ձգտում էր ոչ միայն տիրանալ Բարուի նաբֆին, այլև իրականացնել համաթուրանականության նախնական ծրագիրը՝ ընդհանուր սահման ունենալ թուրք-թաթարական աշխարհի հետ, իսկ համաթուրանականությունն առաջին հերթին ուղղում էր Ռուսաստանի դեմ այն պարզ պատճառով, որ թուրք-թաթարական ցեղերի մեծ մասի հայրենիքները Ռուսաստանի տարածքում էին:

Մոսկուան նաեւ գտնում էր, որ, ոչ թե՛ երեսնը, այլ եթե՛ ինքը հանդես գար թուրքերի հետ բանակցող կողմ, հնարատր կը լինէր չափաորէն թուրքերի ախորժակը: Մանաւանդ, բացարձակապէս ակնյայտ էր, որ Հայաստանը պարտուած էր, եւ, եթե՛ չլինէր Ռուսաստանի հակազդեցութիւնը, թուրքերը չէին յապաղի տիրանալու ամբողջ Արեւելեան Հայաստանին եւ արարտին հասցնելու հայ բնակչութեան ամբողջական բնաջնջումը³⁶:

Պօղոսեանների կարծիքով, անգամ 1920ի թուրք-հայկական պատերազմի ընթացքում ՀԱՀ կառավարութիւնը «շարունակում էր «ռուսական վրանգից», եթե՛ ոչ անելի շար, ապա նոյնքան վախենալ, որքան թուրքական ներում անգամ երկրի կործանման պահին, նախ յոյսը դնում էր Եւրոպայի, ապա Թուրքիայի հետ «լեզու գործելու» վրայ»³⁷: Ըստ Պօղոսեանների, թուրք-ադրբեջանական զաւթողական նկրտումների նկատմամբ ՀԱՀ անվտանգութիւնն էապէս կ'ամրապնդուէր, եթե՛ 1920ի զարնանը Մոսկուայում ստորագրուէր հայ-ռուսական պայմանագիրը: Սակայն պայմանագիրը չկնքուեց, որովհետեւ հայկական կողմն ակնկալիքներ ուներ Արեւմուտքից ու այդ պատճառով ձգձգում էր բանակցութիւնները, մերժում փոխզիջումների հնարատրութիւնը, իսկ ռուսական կողմը ձգտում էր խճճել հայ-ռուսական բանակցութիւնները՝ դրանք ստորագրուելով Անկարայի ու Բաքուի հետ Պետրոգրադի բոլշեւիկեան կառավարութեան ռազմաքաղաքական յարաբերութիւնների ամրապնդմանը⁴⁰:

Համբարձում Կարապետեանի կարծիքով, բնական եւ անխուսափելի էր ՀԱՀի շրջադարձը դէպի Խորհրդային Ռուսաստան: Ուղղակի, ՀԱՀ դիւանագէտները նկատի չէին առել, որ Ռուսաստանը կը բարձրացնէր Հայկական Հարցը Փարիզի Խորհրդաժողովի օրակարգից դուրս բերելու, ապա նաեւ Սեւրի Պայմանագրից հրաժարուելու հարցը՝ ՀԱՀի ու Թուրքիայի միջեւ բանակցութիւններում միջնորդի դեր ստանձնելու դիմաց: Պատմարանի համոզմամբ, ՀԱՀը պէտք է արագ կողմնորոշուէր, քանի որ Թուրքիան եւ Ռուսաստանը գործում էին թե՛ դիւանագիտութեամբ, թե՛ զէնքով: Անելին, որքան ամրապնդում էր նրանց գործակցութիւնը, այնքան շեշտում էր դրա հակահայկական ուղղուածութիւնը: Միաժամանակ, Խորհրդա-քեմալական վտանգին զումարուելու էին գայիս Խորհրդայնացած Ադրբեջանի յակնությունները Արցախի, Զանգեզուրի, Շարուրի ու Նախիջեանի նկատմամբ⁴¹: Իսկ Մելիքեանի կարծիքով, Հայկական Հարցի լուծման ծախսողումը ու ՀԱՀի անկումը պայմանաւորուած էին ոչ միայն քեմալաբոլշեւիկեան մերձեցմամբ «համաշխարհային իմպերիալիզմ»ի ու Կովկասում այդ «իմպերիալիզմի օճախ Հայաստանի Հանրապետութեան» դէմ,

այլե՛ք բեմալականությունը բոլշեվիզմի դեմ ուղղելու անգլօ-ֆրանսիական քաղաքականությանը: Դա «*յանցատր համագործակցություն էր, որի պատմա-քաղաքական գնահատականը չի տրուած մերօրեայ Ռուսաստանի եւ Հայաստանի Հանրապետության կողմից*»⁴² նշում է Մելիքեանը, դրանով իսկ առաջադրելով ռուսական պետության նկատմամբ ՀՀ-ի պաշտօնական դիրքորոշումը ձեակերպելիս անցեալի պատմական դասերը հիմնատրապէս հաշտի առնելու, բայց եւ ծայրայեղությունների մէջ չընկնելու անհրաժեշտութիւնը:

ՊԱՏՄՈՒԹԵԱՆ ԴԱՍԵՐԻ ՎԵՐԱՐԺԵՒՈՐՈՒՄԸ

Ուշագրաւ են Ցակրեանի 1992ի դիտարկումները ՀԱՀի արտաքին քաղաքականության ընթացքից հայութեան առնելիք դասերի վերաբերեալ՝ յանուն հայոց ազգային անկախ պետականության ներկայի եւ ապագայի: Պատմաբանի գլխատր եզրայանգումն այն է, որ միմիայն սեփական ուժերին ապավինելն է ազգի գոյատեւման ու զարգացման միակ ճշմարիտ երաշխիքը: Սրանից հետեւում է, որ պէտք է լինել իրատես եւ քաւարարուն իրական հասանելիքով.

... Ի վերջոյ, պէտք է մէկընդմիջտ ըմբռնել այն յափտենական ճշմարտութիւնը, որ իւրաքանչիւր պետութիւն կամ ազգ նախ եւ առաջ հետամուտ պէտք է լինի իր սեփական, ազգային-պետական շահերի պաշտպանութեանը: Առանց այդ շահերի հաշուառման, անտոութիւն կը լինի կարծել, թէ որեւէ պետութիւն կը պաշտպանի մէկ այլ պետութեան կամ ժողովրդի շահերը⁴³:

2008ին ՀՀ նախագահ Սերժ Սարգսեանի նախաձեռնած հայ-թուրքական յարաբերութիւնների կարգաւորմանն ուղղուած բանակցային գործընթացն առիթ էր, որպէսզի Աշոտ Մելքոնեանն իր հրապարակային ելոյթներում ու զանգուածային լրատումիջոցներին տուած հարցազրոյցներում հանգամանօրէն անդրադառնար այն վտանգատր հետեւանքներին, որ կարող էր թողնել հայ-թուրքական արձանագրութիւնների վաւերացումը Հայկական Հարցի արդարացի լուծման վրայ⁴⁴: Պատմաբանի համոզմամբ, ՀՀ եւ Թուրքիայի միջեւ գործող սահմանի *դէ ետրէ* ճանաչման վերաբերեալ արձանագրութիւններում ձեակերպուած դրոյթի ընդունումը կը նշանակէր հրաժարում Սեւրի Պայմանագրից, Հայոց Ցեղասպանութեան դիմաց Արեւմտեան Հայաստանով հատուցման խնդրից եւ ՄԱԿի անդամ Թուրքիայի ու ՀՀ-ի միջեւ Ախտրեան-Արաքսով փաստացիօրէն գործող սահմանագծի ճանաչում: ՀՀն, ըստ պատմաբանի, պէտք է կարեւորի Սեւրի Պայմանագիրը, որը ՀՀ տարածքը սահմանում է 160,000 կմ², եւ որի համաձայն, ՀՀին մաս պէտք է կազմի Տրապիզոնի, Էրզրումի, Վանի ու Պիթիսի փլայէթների տարածքի զգալի մասը:

Հայ-թուրքական յարաբերութիւնները կարգաւորելու նպատակով 2008-09ի Երեւանի ու Անկարայի միջեւ տեղի ունեցած հրապարակային բանակցութիւններում արձանագրուած վտանգատր զարգացումները թէ՛ հայ

պատմաբաններին ու իրաւաբաններին, թե՛ ՀՀ պաշտօնական շրջանակներին բերեցին այն համոզման, որ Հայոց Յեղասպանութիւնը մէկ դար անպատիժ է դրա հետեւանքների յաղթահարման իրաւական աշխատակարգերի անորոշութեան պատճառով, ինչն էլ անդրադառնում է հայոց անկախ պետականութեան անվտանգութեան, զարգացման հեռանկարների, հայ ազգային միասնութեան ապահովման վրայ: Այս պայմաններում ՀՀ կառավարող եւ գիտական շրջանակներում անցում կատարուեց Հայոց Յեղասպանութեան հիմնախնդրի տեսական-իրաւական ուսումնասիրութիւնից դէպի դրա գիտագործնական վերլուծութիւն, դէպի Հայոց Յեղասպանութեան հետեւանքների վերացման, հայոց պահանջատիրութեան հիմնահարցերի մշակում պատմաիրաւական ու միջազգային-իրաւական տեսանկիւնից: Նաեւ կարեւորուեց հիմնախնդրի համազգային հայեցակարգի ձեւաւորումը: Հայաստանեան պատմաբանների գնահատմամբ, Արեւմտեան Հայաստանում հայկական անկախ պետականութեան վերականգնումը Հայոց Յեղասպանութեան հետեւանքով հայ ժողովրդի կորուստների հատուցման խնդիրը վերջնականօրէն կարգաւորելու հիմքերից մէկն է եւ թերեւ՝ գլխաւորը⁴⁵: Նրանց համոզմամբ, թուրքական պետութեան կառավարման ձեւի կամ տարածքի փոփոխութիւնը չի կարող որեւէ կերպ ազդել յանցագործ պետութեանը քաղաքական պատասխանատուութեան ենթարկելու եւ ցեղասպանութեան հետեւանքների յաղթահարման գործընթացների վրայ:

Արմէն Մարութեանի կարծիքով, Հայոց Յեղասպանութեան հետ կապուած խնդիրների լուծումը պէտք է ստանձնի հայ ժողովրդի այն հատուածը, որն անմիջականօրէն տուժել է երիտթուրքերի իրականացրած ցեղասպանութեան քաղաքականութիւնից: Սակայն, քանի որ հայկական սփիւռքն օժտուած չէ գերիշխանութեամբ, գործող միջազգային-իրաւական համակարգում եւ, ըստ գոյութիւն ունեցող իրաւական նորմերի, նա չի կարող դիտուել իրրեւ միջազգային իրաւունքի անդամ, հետեւաբար, որպէս պահանջատէր չի կարող հանդէս գալ որեւէ միջազգային ատեանում: «*Եթէ անգամ Սփիւռքը ունենար իրաւական հնարաւորութիւն՝ ներկայացնելու ցեղասպանութեան հետեւանքով տուժած հայ ժողովրդի շահերն ու իրաւունքները, տրամաբանական չէր լինի այդ գործընթացից դուրս թողնել Հայաստանում բնակուող ցեղասպանութեան զոհերի ու վերապրածների ժառանգներին*»⁴⁶ մատնանշում է պատմաբանը, յաւելելով, որ ՀՀն անմիջական առնչութիւն ունի հայ ժողովրդի՝ ցեղասպանութիւնից տուժած հատուածի շահերի ու իրաւունքների հետ, քանի որ փուլային տարբերակով հանդիսանում է ԱՀի իրաւայաջորդը⁴⁷: Մարութեանն ընդգծում է, որ ներկայումս, ըստ միջազգային իրաւունքի, ՀՀն կարող է ներկայացնել եւ պաշտպանել Հայոց Յեղասպանութեան միայն այն զոհերի ու վերապրածների ժառանգների շահերը եւ իրաւունքները, որոնք հանդիսանում են իր քաղաքացիները: Իսկ ինչ վերաբերում է արեւմտահայերի շահերի ներկայացմանն ու

պաշտպանութեանն, ապա այս առիթով պատմաբանը յիշատակում է Արեւմտահայերի երկրորդ Համագումարը, որը դեռեւս 1919ին օծուել է ՀԱՀը նման իրատունքով: 1919 Փետրուարի 12ին համագումարի ընդունած «Քաղաքական Բանաձեւի» Տրդ կէտի համաձայն, Արեւմտահայերի Գործադիր Մարմինը ՀԱՀ կառավարութեան եւ խորհրդարանի հետ միասին պէտք է ձեռնարկէր իրական քայլեր Միացեալ, Ազատ Հայաստանի հռչակման ուղղութեամբ⁴⁸: Օժտելով հանդերձ Հայաստանին նման իրատունքով՝ Արեւմտահայերի Համագումարն ընդգծում էր միասին ու համատեղ աշխատելու կարեւորագոյն հանգամանքը: Մարութեանը շեշտում է այս դրոյթի արդիականութիւնը, քանի որ Հայոց Յեղասպանութեան բոլոր հետեւանքների վերացման գործում պատասխանատուութիւն ունեն թէ՛ ՀՀն եւ թէ՛ Ափիւղը⁴⁹:

Մելքոնեանը խնդիրն առաւել արդիական է համարում հայ-թուրքական արձանագրութիւնների ստեղծման պայմաններում՝ այդ փաստաթուղթը կեանքի կոչելու հնարաւորութեան առնչութեամբ նշելով, որ «*դա ոչ ոք չի պարկերացնում ո՛չ պարերազմի, ո՛չ էլ ուժի գործադրման փորձերակով: Աշխարհը մէկ անգամ դէ ետքէ հաստատուել է իր կամքը՝ Օսմանեան Կայսրութեան՝ որպէս համաշխարհային քաղաքակրթութեան դէմ թշնամի երկրի փլուզման հանգամանքը, եւ արդարացիօրէն օսմանահպարակ ժողովուրդների համար արձանագրել է հեռանկար*»⁵⁰: Մելքոնեանը նկատում է, որ Հայոց Յեղասպանութիւնը ժխտելու իր քաղաքականութեամբ հանդերձ Թուրքիան ինքն է սպառնում միջազգային դատարան դիմել՝ հիմնաւորմամբ, թէ իրեն յանդիւրափ մեղադրում են ցեղասպանութիւն իրագործելու մէջ: Այնպէս, որ խնդիրը վաղ թէ ուշ շօշափուելու է միջազգային դատարանում, ինչին պէտք է պատրաստ լինել: «*Մենք Մերի դաշնագրի յոյսի ներքոյ պիտի պատրաստ լինենք նման մարտահրաւերի*»⁵¹ կարեւում է նա:

ԱՄՓՈՓՈՒՄ

1991-2019ին ՀՀ պատմագիտական միտքը գնահատելի աշխատանք է կատարել 1918-20ի հայկական անկախ պետականութեան եւ ազգային միասնութեան հիմնահարցերը նորովի ուսումնասիրելու, կարեւորութիւնը վերաիմաստաւորելու եւ վերագնահատելու ուղղութեամբ: Աշխատութիւններում խնդրոյ առարկայ հիմնահարցերի վերաբերեալ արտայայտուած տեսակէտները տրամաբանօրէն փոխլրացնում են միմեանց: Դրանք պատմագիտական մտքի արժէքաւոր ու սթափ ընդհանրացումներ են, որոնք ուսանելի են համահայկական խնդիրների օրակարգը մշակող եւ լուծմանը յետամուտ ազգային, պետական ու քաղաքական շրջանակների համար:

ՀՀ պատմագրութիւնը դեռեւս ասելիք ունի այս ուղղութեամբ, քանի որ հայկական անկախ եւ միացեալ պետութեան ստեղծման գաղափարի մասին արխիւային ու գիտավերլուծական նիւթը սպառուած չէ, դեռեւս կան լուսաբանման-մեկնաբանման կարիք ունեցող փաստեր ու երեւոյթներ: Բացի այդ, դեռեւս լրամշակման կարիք ունի այն համընդգրկուն հայեցակարգը,

որով հնարատր դառնայ անլի համապատկերային գնահատել վերոնշեալ խնդիրների բնութիւնը: Եւ վերջապես, հայոց պահանջատիրութիւնը դեռեւս սպասում է իր արդար բաւարարմանը:

ԾԱՆՕԹԱԳՐՈՒԹԻՒՆՆԵՐ

- ¹ Պարմարբանասիրական Հանդէտում [2020:1 (213), էջ 60-80] լոյս է տեսել յօդուածն՝ «Հայկական Հարցի 1991–1920 թթ. Պատմութեան Լուսաբանումը Հայաստանի Պատմագրութեան ԱՆՋ (1991–2019 թթ.)»: Զոյգ աշխատանքներս փոխադրածում են միմեանց՝ ընթերցողին հնարատրութիւն տալով ամբողջական պատկերացում կազմել Ա. Աշխարհամարտի ասարական փուլում, Փարիզի Վեհաժողովում եւ ՀԱՀի տարիներին հայկական անկախ պետութեան գաղափարի նկատմամբ թե՛ ազգային-պետական կառոյցների եւ ուժերի, թե՛ մեծ տէրութիւնների դիրքորոշումների ու քաղաքականութեան շուրջ 1991–2019ի ՀՀ պատմագրութեան մէջ արտայայտուած կարծիքների եւ տեսակէտների մասին: Միաժամանակ դրանք փորձ են՝ անջատաբար վերլուծելու Հայկական Հարցի 1918–20ի պատմութեան ազգային րովանդակութիւնից եւ միջազգային-դիւանագիտական բնոյթից բխող հիմնահարցերը, որոնք պատմագիտական աշխատութիւններում ներկայացուած են միահիւսուած: Այդ է պատճառը, որ զոյգ յօդուածներում որոշ փաստեր ու պատմագիտական գնահատականներ անխուսափելիօրէն կրկնուած են:
- ² Վ. Մելիքեան, *Իշխանութեան Հիմնահարցը Անդրկովկասում. Անդրկովկասեան Կոմիտարիայի Գործունէութիւնը եւ Հայ Իրականությունը (1917 թ. Նոյեմբեր–1918 թ. Փետրուար)*, խմբ.՝ Յ. Յարութիւնեան, Մեսրոպ Արք. Աշճեան Մատենաշար 64, Երեւան, ՀՀ ԳԱԱ Պատմութեան Ինստիտուտ, 2010, էջ 153–4, 161:
- ³ Նոյն, էջ 166:
- ⁴ Պատմարանը նկատի ունի 1908ի երիտթուրքերի յեղաշրջման նախօրեակին Միութիւն եւ Առաջադիմութիւն Կուսակցութեան 1907ի փարիզեան համագումարին ՀՅԴ ներկայացուցիչների մասնակցութիւնը, որով, ըստ էութեան, գործնական հիմքի վրայ էր դրուել քաղաքական այդ ուժերի գործակցութիւնն ընդդէմ ընդհանուր թշնամու՝ սուլթանական կառավարութեան: ՀՅԴն այդ քայլին գնացել էր՝ չստանալով որեւէ խոստում կամ երաշխիք առ այն, որ իշխանութեան հասնելուց յետոյ երիտթուրքերը պատրաստ էին ճանաչելու Արեւմտեան Հայաստանի անկախութիւնը կամ՝ քարենորոգումներ անցկացնելու Հայկական Վիլայէթներում:
- ⁵ Նոյն, էջ 89:
- ⁶ Համբարձում Կարապետեան, *Սերի Պայմանագիրը Հայոց Ծակալագրում*, խմբ.՝ Աւագ Յարութիւնեան, Երեւան, Հայաստանի Ազգային Արխիւ Հրատ., 2004, էջ 13. նաեւ՝ Հրանդ Աւետիսեան, *Հայկական Հարցը 1918 Թուականին*, խմբ.՝ Ալբերտ Խառատեան, Երեւան, Բարձրագոյն Դպրոց Հրատ., 1997, էջ 41, 102:
- ⁷ Նոյն, էջ 126, 128–9, 135:
- ⁸ Նոյն, էջ 106. նաեւ՝ Ատ. Պողոսեան, Կ. Պողոսեան, *Հայկական Հարցի եւ Հայոց Տեղապանութեան Պարմութիւն*, III Հտր., Գիրք I, Մաս Ա (*Հայկական Հարցը 1917 թ. Երկրորդ Կեսից Մինչեւ ՀՀ Ստեղծումը*), Երեւան, Հայաստան Հրատ., 2004, էջ 78–9, 95, 114, 148, 151–2, 157:
- ⁹ Նոյն, էջ 232–33:
- ¹⁰ Աւետիսեան, *Հայկական*, էջ 253:

- ¹¹ Նոյն, էջ 237-38. նաև՝ Գ. Պետրոսեան, *Անդրկովկասը Դիանագիրական Յորձանուրում. Հայոց Անկախ Պետականութեան Կերպումը (1917 թ. Փետրուար-1918 թ. Յունիս)*, խմբ.՝ Լ. Անտիսեան, ԵՊՀ Հրատ., 2018, էջ 239-43:
- ¹² *Հայաստանի Առաջին Հանրապետութեան Խորհրդարանը*, կազմ. եւ իրատ.՝ Ա. Զաքարեան, խմբ.՝ Թ. Սողոմոնեան, Գ. Թանանեան, Երեւան, ՀՀ Ազգային Ժողովի Հրատ., 2018, էջ 50-1: Հմմտ.՝ Ա. Վրացեան, *Հայաստանի Հանրապետութիւն, Երեւան, Հայաստան Հրատ.*, 1993, էջ 194:
- ¹³ Ա. Մելիքեան, *Ցեղասպանութիւն եւ Հայրենագրկում. Ծանաչումից՝ Հայրուցում (Յօդուածներ եւ Հարցազրոյցներ)*, ՀՀ ԳԱԱ Պատմութեան Ինստիտուտ, Երեւան, Զանգակ Հրատ., 2015, էջ 129:
- ¹⁴ Ա. Յակոբեան, *Հայաստանի Հանրապետութիւնը 1918-1920 թթ., (Անկախութեան 100-Ամեակի Առթիւ)*, խմբ.՝ Գ. Խողիյեան, Երեւան, Լուսակն Հրատ., 2018, էջ 38:
- ¹⁵ Անտիսեան, *Հայկական*, էջ 328-9:
- ¹⁶ Վ. Հ. Մելիքեան, *Արեւմտահայերի Համագումարները եւ Հայկական Հարցի Փուլերը 1917-1923 թթ.*, Երեւան, Զանգակ-97, 2007, էջ 7, 9, 11-12:
- ¹⁷ *Համահայկական Խորհրդակցութիւններ (1912-1920 թթ.)* (Փաստաթղթերի եւ Նիսիների Ժողովածու) պատ. խմբ.՝ Ա. Վիրաբեան, Երեւան, Հայաստանի Ազգային Արխիւ, 2004, էջ 333-504. նաև՝ Ա. Պողոսեան, *Պօղոս Նուբար Փաշա: Ազգային Գործիչը*, Խ. Արովեանի ՀՊՄՀ Հայոց Պատմութեան Ամբիոն, գիտ. խմբ.՝ Մ. Կարապետեան, Ա. Դանիէլեան, Երեւան, Զանգակ-97, 2004, էջ 162-70:
- ¹⁸ Այս մասին տե՛ս՝ Մելիքեան, *Արեւմտահայերի*, էջ 12:
- ¹⁹ Նոյն, էջ 5-6:
- ²⁰ Մելիքեան, *Արեւմտահայերի*, էջ 8. նաև՝ Ա. Յարութիւնեան, *Սեբրի Պայմանագիրը եւ Հայ Հասարակական Քաղաքական Միւրթը*, Երեւան, ԳԱԱ «Գիտութիւն» Հրատ., 2004, 139 էջ:
- ²¹ Լ. Խուրշուդեան, *Հայկական Հարցը. Բովանդակութիւնը, Ծագումը, Պարմութեան Հիմնական Փուլերը*, խմբ.՝ Բ. Ուլուրաբեան, Երեւան, Համազգային Հայ Կրթական եւ Մշակութային Միութիւն, 1995, էջ 49-50:
- ²² Պողոսեան եւ Պողոսեան, *Հայկական Հարցի եւ Հայոց Ցեղասպանութեան Պարմութիւն, III Հտր. (Հայկական Հարցը 1920-1922 Թմնորին)*, Գիրք II, Երեւան, Հայաստան Հրատ., 2003, էջ 176, 198-9, 201, 206:
- ²³ Անտիսեան, *Հայկական*, էջ 335:
- ²⁴ Նոյն, էջ 336:
- ²⁵ Դ. Ա. Աւետիսյան, "Генерал Аноп Багратуни (1879-1943)," [Հ. Ա. Անտիսեան, «Զօրավար Յակոբ Բագրատունի (1879-1943)», *Պարմարանասիրական Հանդէս*, 1997:1, էջ 54-5:
- ²⁶ Անտիսեան, *Հայկական*, էջ 337-38:
- ²⁷ Մելիքեան, *Արեւմտահայերի*, էջ 24-25:
- ²⁸ Նոյն, էջ 43:
- ²⁹ Նոյն, էջ 45-46:
- ³⁰ Գ. Գալոյեան, *Հայաստանը եւ Մեծ Տերութիւնները 1917-1923 թթ.*, խմբ.՝ Վ. Միրալեան, Երեւան, Գիտութիւն Հրատ., 1999, էջ 60-1:
- ³¹ Նոյն, էջ 64-5, 67.
- ³² Նոյն, էջ 123:
- ³³ Նոյն, էջ 132:

³⁴ Ա. Յակոբյան, *Հայաստանի Հանրապետություն (1918–1920 թթ.)*, Երևան, Հայաստան Հրատ., 1992, էջ 24:

³⁵ Նոյն:

³⁶ Նոյն:

³⁷ Նոյն, էջ 26:

³⁸ Պողոսյան և Պողոսյան, *Հայկական Հարցի...*, Գիրք I, Մաս Բ, էջ 173:

³⁹ Նոյն, էջ 170-1:

⁴⁰ Նոյն, էջ 146-7, 150-1:

⁴¹ Կարապետյան, էջ 64, 81, 87:

⁴² Մելիքյան, *Արեամբասանների*, էջ 29, 34, 43:

⁴³ Յակոբյան, *Հայաստանի Հանրապետություն*, էջ 27:

⁴⁴ Ա. Ա. Մելքոնյան, *Հայոց Պարմութեան Դասերն Ու Պապգամները*, Երևան, Գիտություն Հրատ., 2013, էջ 388-9, 407-9, 410, 421-3, 482-3, 506:

⁴⁵ Ա. Յ. Մարության, «Թուրքիայի Միջազգային-Իրաական Պատասխանատուության Հիմնախնդիրը. Ամփոփում և Առաջարկներ», *Վեմ Համահայկական Հանդես*, 2010:Բ(Ը),1(29), Յունուար-Մարտ, էջ 15-17. նաև՝ Ա. Պապյան, «Օսմանյան Կայսրության և Թուրքիայի Հանրապետության Իրապայտորդության-Շարունակականության Հարցի Շուրջ», *Հայրենապիտոյություն. Հայոց Պահանջապահության Իրաական Հիմունքները և Յարակից Հարցեր (Յողաածների Ժողովածու)*, Երևան, Ասողիկ Հրատ., 2012, էջ 446-50. նաև՝ Լ. Յովհաննիսյան, «Հայերի Ցեղասպանության Համար Թուրքիայի Պատասխանատուության Հիմնախնդիրը», *Հայաստան. Ցեղասպանությունից Վերածնունդ, 1915-2015*, Երևան, Նոյնյան Տպասան Հրատ., 2015, էջ 310-32. նաև՝ Ա. Մելքոնյան, Գ. Պողոսյան, Ա. Աղասյան, Ա. Մարության, Դ. Քերթմանչյան, Հ. Մելիք-Աղամյան, Վ. Վարդանյան, Գ. Բաղդասյան, Ա. Յովհաննիսյան, *Ցեղասպանության Հետազոտություն Հայ Ժողովրդի Կրթականները և Հարցման Կառուցակարգերի Մեթոդաբանական Հիմքերը*, խմբ.՝ Ա. Մարության, Երևան, Տիր Հրատ., 2019, 608 էջ:

⁴⁶ Մարության, «Թուրքիայի Միջազգային», էջ 18:

⁴⁷ Նոյն, էջ 18-19:

⁴⁸ Մելիքյան, *Արեամբասանների*, էջ 10:

⁴⁹ Մարության, «Թուրքիայի Միջազգային», էջ 19:

⁵⁰ Մելքոնյան, *Ցեղասպանություն*, էջ 285:

⁵¹ Նոյն:

ASSESSMENT OF THE MAIN ISSUES OF ARMENIA'S 1918–1920 STATEHOOD AND NATIONAL UNITY BY THE HISTORIANS OF THE REPUBLIC OF ARMENIA BETWEEN 1991 AND 2019
(Summary)

LILIT HOVHANNISYAN

lilithovannisian@yahoo.com

This study reviews and assesses post-Soviet Armenian historiography output from a current perspective. It includes the factors that led to the proclamation of independence in 1918, the nationwide steps taken for the realization of the idea of an independent and united Armenia, the political orientation adopted by the state leaders preserving the tiny, weak state, and the domestic and foreign factors that impacted its growth and preservation and influenced Armenian unity.